



## Komunikado 2020-027

### Moneda dediká na 10 aña di struktura estatal nobo

Willemstad/Philipsburg –Na okashon di e dèsimio aniversario di e struktura estatal nobo di 10-10-10, *Centrale Bank van Curaçao en Sint Maarten* (CBCS), ta emití un moneda konmemorativo spesial den sirkulashon.

Den un forma ofisial CBCS a ofresé e moneda aki na e promé ministernan i e ministernan di Finansas di Kòrsou i Sint Maarten. Na Kòrsou e moneda a keda ofresé pa presidente di CBCS Richard Doornbosch i na Sint Maarten pa gerente di ofisina di CBCS na Sint Maarten Raquel Lo-Fo-Wong.

E moneda di sirkulashon tin un balor nominal di NAf 5 ku na parti dilanti e number romano “X”, ku eiden e teksto “OCTOBER 10, 2010-2020”. Na banda robes di e X tin e imágen kolorido di e bandera di Kòrsou i na banda drechi e imágen na kolo di e bandera di Sint Maarten. Ariba tin skirbí “PAIS KÒRSOU” i respektivamente “COUNTRY OF SINT MAARTEN”. Abou tin e siluetanan di e paisnan Kòrsou i Sint Maarten ilustrá. Na e otro banda di e moneda tin e eskudo di e pais anterior Antia Hulandes ku menshon di e balor di “5G” i e aña “2020”.

E moneda aki, di kual 100.000 unidat a keda produsí, lo wòrdu poné den sirkulashon riba dia 9 di òktober pa medio di bankonan komersial na Kòrsou i Sint Maarten. Especialmente pa kolekshonadónan, CBCS tin un kantidat limitá di e monedanan aki na ròl di 20 moneda lorá den un emboltura diseñá úniko na rason di NAf 100. E ròlnan aki ta solamente disponibel na CBCS.

Willemstad, 7 di òktober 2020

CENTRALE BANK VAN CURAÇAO EN SINT MAARTEN





*Riba potrèt di robes pa drechi: sr. Kenneth Gijsbertha (Minister di Finansas), sr. Eugene Rbuggenaath (Promé Minister), sr. Richard Doornbosch (Presidente di CBCS)*



*Riba potrèt di robes pa drechi: sra. Raquel Lo-Fo-Wong (CBCS), sr. Ardwell Irion (Minister di Finansas), sra. Silveria Jacobs (Promé Minister)*